

## فيديو # ١٩٣ من مقاطع حظر التجول تدبر سورة يس # ٧ الآيات

٨٥-٨٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تلتمية واحد وتسعين من مقاطع حظر التجول والحلقة السابعة من حلقات تدبر سورة ياسين ارجو من حضراتكم تجبيوا المصاحف. تفتحوا على سورة ياسين - 00:00:07

تدبرنا امبارح ايات بتوصف عناد الكفار الشديد جدا. اقرأ معي كده الآيات خمسة واربعين لسبعة واربعين اعوذ بالله السميع العليم من الشيطان الرجيم. ابدأ معي من خمسة واربعين وإذا قيل لهم اتقوا ما بين ايديكم وما خلفكم لعلكم ترحمون - 00:00:31

الموت اللي بيجي فجأة وما تأثيرهم من اية من ايات ربهم الا كانوا عنها معرضين كانوا بيعرضوا على ما يتقال لهم اتقوا الموت ما فيش اية جابت معهم نتيجة لايota كونية في السماوات ولا في الارض ولا في البحار ولا اية من ايات الوحي ولا القرآن دايما كانوا بيعرضوا - 00:00:54

اقرأ معي سبعة واربعين وإذا قيل لهم انفقوا ما رزقكم الله قال الذين كفروا للذين امنوا انطعم من لو يشاء الله اطعمه ان انت الا في ضلال مبين. قلنا ما فيش الایات - 00:01:19

ما كنش بيجب معهم نتيجة وكان دايما بيعرضوا مش بيعرضوا ووصلوا لمرحلة من العناد والجدال ان حتى اطعام الفقراء واطعام الجوعى اللي ما فيش انسان عنده زرة رحمة في قلبه ممكنا يعترض عليه - 00:01:35

هم اعترضوا عليه وقالوا مش مسؤوليتنا. الفقراء ربنا لا جعلهم فقراء. والجوعى ربنا جعلهم جوعى يعطيهم هو بقى ويعطيهم احنا ما لنا بعد كل العناد ده. بعد كل الكفر ده وبعد كل سوء الاحلاق اللي بالشكل دي. بالشكل ده. لازم الانسان هيكتب بالبعث - 00:01:53

مش من مصلحتكم في بعض مش من مصلحته انه يتحاسب اصلا على فكرة الكفر كله والتذريث كله سببه ان هو مش عاوزين يتحاسبوا اقرأ بقى تمانية واربعين ويقولون متى هذا الوعد ان كنتم صادقين؟ ده بداية التدبر الليلة - 00:02:16

بيقولوا ايه؟ متى هذا الوعد ان كنتم صادقين ما قالش وقالوا متى هذا الوعد ان كنتم صادقين لا ويقولون لبنة في بقهم. ده على طول شغالين في القصة دي بيتحدوا بها على طول الوقت وبيكرروها - 00:02:36

ويقولون عمالين يقولوا متى هذا الوعد ان كنتم صادقين؟ فين بقى العذاب اللي هينزل علينا ده؟ لو كنتم صادقين تسعه واربعين ما ينظرون الا صيحة واحدة تأخذهم وهم يخفون - 00:02:54

ما ينظرون يعني ما ينتظرون هم مش منتظرين الا صيحة واحدة. بس صيحة زي اللي ربنا اهلك بها اصحاب القرية التي ارسل لها المرسل وزي اللي ابىدها قوم هود. وزي اللي ابىدها قوم صالح. وزي اللي ابىدها قوم لوط - 00:03:14

لو جت الصيحة دي هتاخدهم وهم يخصمون وهم عمالين يتخاصموا ويزعقاو وفي حالة من المشاجنة اقرأ خمسين فلا يستطيعون توصية ولا الى اهلهم يرجعون فلو جت الصيحة دي مش هيلحقوا يوصوا قبل ما يموتوا - 00:03:39

فيه موت بيبقى على الهدى كده بحيس اللي بيموت بيطلب ان يجيروا له العيلة كلها والعلية كلها تيجي من السفر وتجمعوا حوالينه حوالين سريره. وقبل ما يلفظ انفاسه الاخيرة يوصي على عياله ويوصي ويقسم فلوسه - 00:04:02

ده نوع من الموت. وفيه موت فجأة اللي هيلحقوا هم هيموتوا يموتوا فجأة بقى. اللي هو لا هيلحقوا يوصوا ولا يقولوا كلمة والاسوء من ده كله انهم مش هيلحقوا حتى كل واحد يرجع يموت وسط اهله - 00:04:21

ده الصيحة جاية وهم يخصمون. يعني هو في وسط اعداءه هيموت بقى وهو في طوبة وما يلحقش  
يرجع لاهله يعني موتة هو يكرهها بصوايا جماعة الموت علينا حق كلنا - 00:04:38

لكن لو انت خيرت تموت في بيتك وسط اهلك ولا تموت في السفر وانت مسافر لوحدك. ولا تموت وانت وسط اعدائك هتخثار ايه  
هتموت انك تموت وسط وانت في بيتك واستاهلك - 00:04:55

تسعة واربعين واقرا خمسين تسعه واربعين معنی ما ينظرون الا صيحة واحدة تأخذهم وهم يخصمون. وهم في وسط اعداءهم فلا  
يستطيعون توصية ولا الى اهلهم يرجعون. اللي هيحقق يوصي ويقول كلمة ولا هيتحقق حتى يرجع لاهله - 00:05:11

اي هي الموت اللي بيكرهها كل انسان. هي دي اللي هيموتواها خلي بالك بقى لغاية دلوقتي الكلام على اللي ممكن يحصل. اللي ممكن  
يحصل لهم وهو انهم تأخذهم صيحة يعني يهلكوا بعذاب يبادوا - 00:05:32

لكن سواء بقى ابيدوا او لم يبادوا فكل الناس هتموت اصلا كل الناس هتموت اقرا بقى معنی الایتين الجاين واحد وخمسين واثنين  
وخمسين وشف النقلة اللي حصلت في المشهد قدامك - 00:05:51

ونفح في الصور فاذا هم من الاجادات الى ربهم ينسلون قالوا يا ويلنا من بعثنا من مرقدنا هذا ما وعد الرحمن وصدق المرسلون مشهد  
جديد الناس كلها كانوا موتى ومرة واحدة نفح في الصور للبعث. فيبيعث الناس بقى بعث الناس - 00:06:05

احنا كنا بنتكلم عن المكذبين وتحديهم لربنا وعن اللي ممكن يحصل لهم ممكن ييجي صيحة تأخذ ارواحهم بقى ويبادوا ويموتوا موتة  
وهم مش عازينها لكن فجأة المشهد تغير واصبحنا بنشاهد مشهد البعض. يعني هم ماتوا خلاص. ابيدوا ولا لم يبادوا هم ماتوا - 00:06:31

وcame القيامة خلاص دلوقتي بقى الناس ميتة والنفخة الثانية لان النفخة الاولى القيامة اسمه ايه الملك اسرافيل صاحب السور  
يعني صاحب البوة. اول نفخة هتقوم القيامة وهتتطرق الارض على اللي فيها - 00:06:52

وسيكون هناك مؤمنين الحمد لله وقت ما تقوم القيامة ما فيش مؤمنين لن تقوم الساعة الا على لعنة ابن لعنة يعني المؤمنين قبل يوم  
القيامة ستأتي ريح طيبة تأخذ ارواحهم مع سيدنا المسيح عليه الصلاة والسلام ولا يبقى في الارض الا - 00:07:13

اللي كتب عليهم الشقاء لانهم سيحضروا يوم القيامة النفخة الاولى. النفخة الثانية بقى اللي احنا بنحضرها دي. البعث ونفح في الصور  
كل الاحdas بقى بتاعة القيامة دي الصورة قفزت فوقها - 00:07:31

وجابت لك على طول مشهد البعث والحساب انت النهاردة ده اللي يهمك ان هو ده اللي كانوا بينكروه. كانوا بينكرروا البعث اقرا بقى  
واحد وخمسين واثنين وخمسين. ونفح في الصور فاذا هم من الاجادات. اجادات جمع جد. يعني قبر - 00:07:50

هيقوم بالقبور الى ربهم يمثلون. الناس هتطلع من القبور تمشي الى حساب الله ما فيش حاجة اسمها الى ربهم  
يعني المكان اللي فيه ربهم لان ربنا لا يحده مكان - 00:08:07

هم بيمشو الى ربهم يعني الى حساب ربهم ينسلون يعني ايه ؟ يخلفوا ؟ لا. ينسلون يعني ماشيين مشية النسلان. نسلان الذئب الذئب  
بيمشي مشية سريعة اسمها النسلان جت في صورة قريب كنا - 00:08:28

بنتدبرها فماشيين ماشية ماشية سريعة بيتكلموا بقى وهم ماشيين قالوا يا ويلنا من بعثنا من مرقدنا هذا ما وعد الرحمن وصدق  
المرسلون تخيل اللي كانوا بيتحدوا ربنا ويبيكزبوا النبي عليه الصلاة والسلام بيقولوا انت كزاب - 00:08:50

وبينكروا البعث والحساب. نفسيتهم هتبقى عاملة ازاي دلوقتي وهم قايمين من القبور عشان يتحاسبوا في اليوم اللي هم كانوا  
بينكروه. وبيقولوا عمره ما هييجي ما فيش يوم زي كده اصلا. اكيد هم دلوقتي في حالة من الهلع والفزع غريبة جدا. قالوا يا ويلنا - 00:09:16

من بعثنا من مرقدنا مين اللي قومنا من الرقدة اللي كنا راقدينها يا ويلنا يا يا ويلنا وسود ليلنا ردوا بقى على نفسهم هذا ما وعد  
الرحمن مش هم اللي اتحدوا - 00:09:34

وأسأله ارجع معنی للاية تمانية واربعين يرجع تمانية واربعين بسرعة. ويقولون متى هذا الوعد ان كنتم صادقين هدي بقى دلوقتي الاية

اتنين وخمسين هذا ما وعد الرحمن ادي الوعد مش كنتم بتقولوا متنى هذا الوعد؟ ادي انتم بنفسكم بتقولوه هذا ما وعد الرحمن -

00:09:50

طيب مش انتم وبعدين وصدق المرسلون الله الله طلع المرسلين صادقين بقى طيب ارجع للاية خمسة اشر خمسة اشر قالوا ما انتم الا بشر مثلنا وما انزل الرحمن من شيء ان شئتم الا تكذبون. مش انتم - 00:10:21

اتهامته الانبياء بالكذب هم هم اللي هيقولوا وصدق المرسلون ليه ما كان من الاول؟ مكان من الاول تصدقه. وتوفروا كل ده على نفسكم بعض الناس بتزد ان الكلام ده عن ناس كانت موجودة من الاف السنين وماتت وشبعت وحضرت الانبياء وقالت على الانبياء كذابين. الناس دي كانت غريبة قوي - 00:10:43

لا مش صحيح الناس دي موجودة في كل عصر لازم موجودة معنا في العصر اللي احنا عايشين فيه. هو اللادينيين دول عبارة عن ايه؟ يعني ايه لا ديني ناس ممكن يكونوا ملحدين يعني مش مؤمنين بوجود ربنا - 00:11:09

اه وممكن يكونوا ربوبيين يعني مؤمنين بوجود خالق لكن ما هماش على اي دين. يعني ايه مش على اي دين؟ يعني بيكرزوا محمد وعيسى وموسى وبيكرزوا كل مكذبين بيكرزوا بيروسو. وطبعا مش مؤمنين بالبعث. متنى هذا الوعد؟ هو ده ده الناس دي موجودة في كل عصر اصلا - 00:11:25

بس بيختلف اسمائها بقى ممكن تكون اسمائهم آآآ كفار قريش في الوقت ممكن يكون اسمائهم آآآ تنويريين دلوقتي كان اسمهم مش عارف ايه اللي بيغيروا بقى الاسماء يختاروا اسماء حلوة - 00:11:50

بيضحكوا على الناس المهم هذا ما وعد الرحمن وصدق المرسلون ثلاثة وخمسين ان كانت الا صيحة واحدة فاذا هم جميع لدينا محضرون اليوم لا تظلم نفس شيئا. ولا تجزون الا ما كنتم تعملون - 00:12:08

هي شخطة واحدة. هي صيحة واحدة والكل هيحضر وهيتجابوا واقفين بقى منظمين يلا كنتم عاملين فيها زعماء وعندكم عبيد وبتشخطوا في العبيد و بتنتظروا في العبيد. اسمعوا الاوامر يلا انتم اللي هيتشخط فيكم وتقفوا صف يلا - 00:12:41  
كله يقف في النزام ان كانت الا صيحة واحدة فاذا هم جميع لدينا محضرون ثم ينادي فيهم بقى وهم فيهم صفوف في حالة من الذل والخوف والهلع هيتم اعلان نظام اليوم - 00:13:00

النظام النهاردة ايه؟ اليوم اليوم يوم الحساب. اقرا اربعة وخمسين فالاليوم نزام بقى بتاع اليوم النهاردة. فالاليوم لا تظلم نفس شيئا الكلام ده مش مطمئن عشان تبقو عارفين بالنسبة لهم - 00:13:15

ولا تجزون الا ما كنتم تعملون لا تظلم يعني ان انا كل نفس هتجازى باللي كانت بتعمله. ودي مصيبة بالنسبة لهم عارفينهم عملوا بلاوي هم كانوا بينكرروا يبعثوا الحساب ليه؟ عشان عارفين ان هم بيعملوا بلاوي مش قادرين يحاسبوا عليها. اهو اليوم جه اللي كانوا بينكرروه اهو جه - 00:13:30

ما حدش هيظلم النهاردة. لا تظلم نفس شيئا الجزاء كل واحد منكم هو اللي كان بيعمله في الدنيا. ولا تجزون الا ما كنتم تعملون اقرا معي من خمسة وخمسين لثمانية وخمسين كده - 00:13:48

لان في اعلان لاصحاب النار عن ايه اللي هيشفوفه اصحاب الجنة اللي هم مش هيشفوفه بقى زيادة في النكارة بهم يعني. عشان بس ايه يتغازوا اكتر. اقرا بقى خمسة وخمسين وشف اتقال لهم ايه كمان - 00:14:04  
ان اصحاب الجنة اليوم في شغل فاكهون هم وازواجهم في ظلال على الارائك متكون لهم فيها فاكهة ولهما ما يدعون سلام قولوا من رب رحيم مشهد جميل اصحاب الجنة كلمة اصحاب - 00:14:22

تدل على المصاحبة. يعني ملازمين للجنة. يعني هو مش جايين يزوروا الجنة وخارجين. دول مش فيزيتورز في الجنة. لا لا. دول اصحاب الجنة خلاص هتملكوها اليوم اللي الكفار كانوا بينكرروه - 00:14:48  
اهو اليوم ده جه وفيه ناس هيدخلوا فيه الجنة. وهم مش هيكونوا منهم. ان اصحاب الجنة اليوم في شغل فجر اليوم اصحاب الجنة قاعدين منشغلين ياه. وبيضحكوا مسرورين. مشغولين بايه بقى - 00:15:05

كمل ستة وخمسين هم وازواجهم في ضلال على الارائك متكتئون. قاعدين مع ازواجهم في الظل على ارض رائق يعني جمع اريكة كتبة مريحة وكمان متكتئون مجدع كل واحد فيهم بقى كده ايه مجدع كده وعلى كتب كده مريح - [00:15:26](#)  
فالمشهد كله استرخاء وراح وتلذذ وسرور وضحك فاكهون يعني من الفكاهة والتفكه مين دول اللي تعبوا في الدنيا دول اللي عمروا الارض مش اللي خربوها دول اللي عبدوا الله - [00:15:48](#)

وقفوا يصلوا وصاموا وجاعوا وعطشوا وكانوا خلاصهم رايج من كتر التعب. رضاها لربنا حرموا نفسهم النهاردة هيتلذذوا بيقولوا اللي انقزووا حياة الناس المريضة اللي انقزووا الناس اللي في ورطة مش اللي قتلوا الناس ودبحو الناس. دول اللي يستحقوا هزا الكلام - [00:16:11](#)

اقرا سمعة وخمسين لهم فيها فاكهة ولهم ما يدعون. جميع انواع الفواكه بالوانها المختلفة ومذاقتها المختلفة وروائحها الجميلة. طب واللي مش عائز كده حاجة مسبكة. او واحد عائز سوشى بس من بتاع الجنة بقى - [00:16:35](#)  
كمل ولهم ما يدعون هو مش كله فاكهة هو مش كله فجيتريرال لا فيه كل حاجة انت عايزها ولهم ما يدعون اي حاجة بتتمناها ادعيعها قالها بس ما يدعون بتندعوا شيء بيتدى يحضر قدامك - [00:16:55](#)

هتلاقيه قدامك تمانية وخمسين سلام هيحيوا في الجنة بتتحية السلام. مين اللي هيحييهم في الجنة بقى قولوا من رب رحيم ياه الله سبحانه وتعالى بيحييهم قولوا من رب رحيم. الحقيقة هنا في تدبر جميل جدا بقى - [00:17:14](#)  
ارسلته لي الاخت آآ كائنات من فلسطين فلسطين الحبية انه آآ الجزاء من جنس العمل الموضوع بادي اصلا بان الرسل ببنادوا في الناس وبيدعوهم للحق وحتى مؤمن قال اه اه مؤمن اه - [00:17:38](#)

القرية اللي قتلوه قبل ما آآ يقتلوه نادي في الناس وقال فاسمعون كان عقابهم الصيحة بالصيحة اهلكه ثم بعد كده الصيحة الكل رجع ثم بعد كده بيصاح فيهم هم عن ايه اللي بيحصل في هذا اليوم؟ فالليوم لا تظلم نفس شيئا. ولا تجزون الا ما كنتم تعملون. وان كانت الا صيحة واحدة فاذا هم - [00:18:08](#)

لدينا محضرون فيباصح فيهم تاني في الايه؟ في في النار اما المؤمنين فهم اللي ربنا بيسلم عليهم ما فيش صياغ فيهم سلام قولنا مش صيحة الرب الرحيم وكل واحد هياخد اللي هيستحققه. والجزاء من جنس العمل. ونتوقف هنا الليلة - [00:18:47](#)  
اللهم انا نسألك حبك وحب من يحبك وحب كل عمل يقربنا الى حبك اللهم ما رزقتنا ما نحب واجعله قوة لنا فيما تحب وما زويت عنا مما نحب فاجعله فراغا لنا فيما تحب - [00:19:18](#)

اللهم اجعل حبك احب اليها من اهلينا واموالنا ومن الماء البارد على الظماً اللهم حبنا اليك والى ملائكتك وانبيائك ورسلك وعبادك الصالحين واجعلنا من يحبك ويحب ملائكتك وانبيائك ورسلك وعبادك الصالحين. اللهم احيي قلوبنا بحبك - [00:19:39](#)  
واجعلنا لك كما تحب اللهم اجعلنا نحبك بكل قلوبنا ويرضيك بكل اجسادنا اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزانا وذهاب همومنا وغمومنا - [00:20:07](#)

ومغفرة ذنبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحق كل حرف في كتابك تلوناه او تدبرناه. اكفنا واهلينا شر كل من يكيد لنا ولهم - [00:20:31](#)

يحفظنا واياهم من شرورهم و يجعلك اللهم في نحورهم فانت الوكيل ولا حول ولا قوة الا بك اللهم من قضى منا بالوباء المنتشر فاكتبها له شهادة ومن كان منا او من احبابنا او من اخواننا او من اخواتنا مريضا به او حاملا له - [00:20:52](#)

البسه ثوب الصحة والعاافية عاجلا غير اجل ومن لم يصب به فقهه شره. وابعده عنه. ولا تسلطه الا على اعدائك واعداء دينك واعداء اولياتك اللهم انك تعلم ان هذه القلوب قد اجتمعت على كتابك وعلى محبتك - [00:21:16](#)

واللتقت يا ربنا على طاعتكم وتوحدت على دعوتك وتعاهدت على نصرة شريعتك فوثق اللهم رابطتها واهدها سبلها واملأها بنورك الذي لا يخبو واشرح صدورها بفيض الاليمان بك وجميل التوكل عليك - [00:21:39](#)

واحيها يا ربنا على الشهادة في سبيلك انك نعم المولى ونعم النصير السلام عليكم ورحمة الله وبركاته ونراكم غدا

